



Koppler Modellsportclub

Obmann: Peter Fuchs Lämmererweg 2-5321 Koppl
Tel. Nr.: 0664/45 31 355

Rupertigau(di) Cup 2007 in Gschwendt, oder

Die Geschichte von den 7 Helden die ausrückten um die Welt zu erobern.

Es begann um halb 6 in der Früh ...Wecker läutet... geh leck, warum muss i a so a held sein ... aber nah ja ... an buam aufweckn ... an Marko abholen ... an Walter abholen ... mitn Monte treffen und dann schnell zum Walserberg damit ma de Küh´s net verpassen.

Nach an kurzen Plauscherl geht's weiter Richtung Gschwendt, wo wir unsere kühnen Taten vollbringen wollten. ..an kurzen Boxenstopp an irgendaner Tanke, de um 7 in der Früh offen ghobt hot, weil des Auto nach Öl schreit....1 Liter Öl für 22 Euro eini und weiter geht's

Angekommen am Ort des Geschehens samma de ersten..super, glei a weng trainieren .. de paar schnapsleichen hamma varamt und dann über de Pizza, de irgendoan ausn Gsicht gfoin is, aufm Fahrerstand kreit.

Um 8 H war ma dann gschickt fürs Rennen...woat ma nu weng, der Start is erst um halba Zehne.

Bereit für unsere Heldentaten hama dann gwoat und gwoat und gwoat
Mit da Zeitnehmung hatses a bissl gfeigelt..und mit da Gruppeneinteilung..neue Startzeit halba Elfe.

Woan is dann zwölfe.

Leider hats dann nu a weng gfeigeltde Transponder sand net gangen....stopp ma hoit mit der Hand

Nach an Zeitl ham dann de Ritter aus Inzell ernane Transponder herglichen, damit de Zeiten hoibwegs passen und da Siller Peda net so schimpfen muas (tuat ja weh in de Ohren mitten in da Fria)

De Vorlauf sand ma dann brav gfoarn ... den ersten zumindest .. bei de andern woas mas net so genau, weil ja der Drucker net gangen is und neamt mehr gwisst hat wias ausschaut.

Mach ma hoit a moi Mittag, weil es is eh scho Drei.

Umara Viere is dann wieder ganga und wir waren gschickt fürn 1. Finallauf
Wir waren jo a gfoan, wonn net da Oberritter von de Gschwendtner an Anfall von Selbstdarstellung kapt het und se auf de Bahn stöt um uns a paar Gute Nacht Gschichten zum Vazön.

Leider hat er nach der 5ften Gschicht aufhören miassen, weil es kunnt ja jederzeit da Herrgot obabrunzen und dann kema wieder net zuam foarn.

In de Finalleif war dann eh alses OK.....

Nach dem ersten Finallauf kummt normal der Zweite...oba net in Gschwendt...weil do kimmt amoi a Pause, weil es kunnt ja eventuell da Blitz einschlag, weil über Frankreich eina anscheinend a Wolken ziagt.

Nach der Pause hamm dann mia Helden entscheiden derfen, ob ma wieder foan...und um ca. halba 7 mit de 2ten Finalläufe starten....eh klar doama des ...mit viel Glück sama dann am Dienstag wieder in der Arbeit.

Also Abbruch, Vorlaufwertung und Siegaehrung...oba erst ca. in ana Stund ...weil se miasn ja erst ausrechnen wer gwunga hat....habns gmoant...bis ma erna gsagt habn das des Ergebnis vielleicht de Startaufstellung vom Finale wa....AHA....OHO..dann kimma ja glei de Siegaehrung mocha...schnell muas da Oberritter her und a Red hoitn.

Dann fangt as ehren a.

Er hat geehrt und geehrt bis eam de Pokale ausganga han und de Siega aber nu gar net dran woan ...Upps da is was foisch....es B-Finalisten kriegts jo goar koane Pokale...schnell zruckgebn und de Richtigen ehrn.

Der Irtum war leider unsere oanzige Chance auf an Pokal weil da Ronny is 7ter , da Marko 12ter, da Walter 13ter, da Monte glaub i 16ter, da Rene´ (mit ana super Leistung als Kind bei de Groasn) 18ter, I bin 5 ter woan und beim Toni, woas glaub i bis heit nu kona was a woarn is.

Dann hama schnell zampockt und san hoamgfoan, wo ma dann um 8te woan.

Aber oans ham mir 7 Helden auf alle Fälle kapiert:

Rennen gwingt ma net wann mas net probiert

Und i sag euch Gschwendtner ganz komot beim nächsten Bier

Wir kemman wieder oba de Helden sats Ihr.